

## Član 50.

Ova Odluka stupa na snagu danom objavljivanja na oglasnoj ploči Općine i objavit će se u "Službenim novinama Kantona Sarajevo".

Broj 02-49-266/05  
aprila 2005. godine  
Sarajevo

Predsjedavajući  
Općinskog vijeća  
Stari Grad Sarajevo  
dr. sc. **Rizah Avdić**, s.r.

Ova Odluka objavljena je na oglasnoj ploči Općine Stari Grad Sarajevo 10. maja 2005. godine.

Na osnovu člana 29. Zakona o lokalnoj samoupravi - prečišćeni tekst ("Službene novine Kantona Sarajevo", broj 20/00) i člana 25. i 50. Statuta Općine Stari Grad Sarajevo ("Službene novine Kantona Sarajevo", broj 10/98, 17/99 i 21/04), Općinsko vijeće Stari Grad Sarajevo, na sjednici održanoj 19. aprila 2005. godine, donijelo je

**ODLUKU**

**O PRODUŽENJU MANDATA SAVJETIMA  
MJESNIH ZAJEDNICA NA PODRUČJU OPĆINE  
STARI GRAD SARAJEVO**

## Član 1.

Produžava se mandat savjetima mjesnih zajednica na području općine Stari Grad Sarajevo koji su izabrani na izborima održanim januara 2003. godine.

Mandat savjetima mjesnih zajednica iz prethodnog stava produžava se do oktobra 2005. godine.

## Član 2.

Ova Odluka stupa na snagu danom objavljivanja na oglasnoj tabli Općine, a naknadno će biti objavljena u "Službenim novinama Kantona Sarajevo".

Broj 02-49-289/05  
19. aprila 2005. godine  
Sarajevo

Predsjedavajući  
Općinskog vijeća Stari Grad  
Sarajevo  
dr. sc. **Rizah Avdić**, s.r.

Ova Odluka objavljena je na oglasnoj tabli Općine Stari Grad Sarajevo 10. maja 2005. godine.

Na osnovu člana 30. i 31. Pravilnika o finansijskom izvještavanju i godišnjem obračunu budžeta-proračuna u FBiH ("Službene novine Federacije BiH", broj 30/99 i 54/99) i člana 25. Statuta Općine Stari Grad Sarajevo ("Službene novine Kantona Sarajevo", broj 10/98, 17/99 i 21/04), Općinsko vijeće Stari Grad Sarajevo, na sjednici održanoj dana 25. aprila 2005. godine donijelo je

**ODLUKU**

**O USVAJANJU ZAVRŠNOG RAČUNA BUDŽETA  
OPĆINE STARI GRAD SARAJEVO ZA 2004. GODINU**

## Član 1.

Ovom Odlukom usvaja se završni račun Općine Stari Grad Sarajevo za period 1. 1. - 31. 12. 2004. godine.

## Član 2.

Sastavni dio ove Odluke je završni račun Općine Stari Grad Sarajevo za period 1. 1. - 31. 12. 2004. godine.

## Član 3.

Ova Odluka bit će objavljena u "Službenim novinama Kantona Sarajevo".

Broj 02-49-269/05  
aprila 2005. godine  
Sarajevo

Predsjedavajući  
Općinskog vijeća  
Stari Grad Sarajevo  
dr. sc. **Rizah Avdić**, s. r.

Na osnovu člana 25. Statuta Općine Stari Grad Sarajevo ("Službene novine Kantona Sarajevo", broj 10/98, 17/99 i 21/04) i člana 17. Odluke o priznanjima (prečišćeni tekst) ("Službene novine Kantona Sarajevo", broj 5/03 i 9/03), Općinsko vijeće Stari Grad Sarajevo je, na prijedlog Komisije za priznanja Općine Stari Grad Sarajevo, na sjednici održanoj 25. aprila 2005. godine, donijelo

**ODLUKU**

**O DODJELI PRIZNANJA OPĆINE STARI GRAD  
SARAJEVO**

## I

## OPĆINSKA POVELJA

se dodjeljuje pojedincima ili kolektivima za višegodišnji doprinos razvoju Općine

1. FAHRUDIN PILAVDŽIĆ
2. O.M.Š. "MLADEN POZAJIĆ"
3. RADIO KLUB "MLADOST"

## II

## ZLATNA PLAKETA

se dodjeljuje pojedincima ili kolektivima za višegodišnji doprinos funkcionisanju Općine u prethodnom jednogodišnjem periodu

1. O.Š. HAMDİJA KREŠEVLJAKOVIĆ
2. "BIMA" MEDICINSKA ASOCIJACIJA

## III

## OPĆINSKA SREBRENA PLAKETA

se dodjeljuje za doprinos pojedinaca ili kolektiva, funkcionisanju Općine u prethodnom periodu, kao i za pojedinačne akcije

1. RADAKCIJA NOVINA "OAZA"
2. dr. MEHMED BAŠAGIĆ

## IV

## ZLATNA ZNAČKA OPĆINE

se dodjeljuje pojedincima i općinskim organima uprave i službama, drugim općinskim organima i organizacijama, kao i političkim organizacijama koje imaju vijećnike u Općinskom vijeću, za doprinos funkcionisanju organa Općine u prethodnom jednogodišnjem periodu

1. ALIJA KAMBER

## V

## OPĆINSKA POVELJA SA ZLATNIM ŠTITOM

se dodjeljuje pojedincima i jedinicama Armije, MUP-a i Civilne zaštite, preduzećima i ustanovama, nakon proglašavanja prestanka rata i neposredne ratne opasnosti u Bosni i Hercegovini, za sveukupni doprinos odbrambenim funkcijama Općine

1. RAMIZ HOLJAN
2. NURUDIN IMAMOVIĆ - DINĆE
3. NUSRET IKOVIĆ
4. HAJRUDIN HRELJA
5. OMER ISANOVIĆ
6. IBRAHIM DIVOVIĆ
7. MEHO HAJDAREVIĆ

VI  
OPĆINSKA POVELJA SA SREBRENIM ŠTITOM

se dodjeljuje pojedincima i jedinicama Armije, MUP-a i Civilne zaštite, nakon proglašavanja prestanka rata i neposredne ratne opasnosti u Bosni i Hercegovini, za sveukupni doprinos odbrambenim funkcijama Općine

1. AMIR POŠKOVIĆ
2. EKREM KALJANAC
3. SUAD KATICA
4. MUJO DEDIĆ
5. NAZIF GAGULA
6. HAMDO ŠLJIVO
7. AZIZ HODŽIĆ
8. MEHMED PUŠKIĆ

Broj 02-49-297/05  
25. aprila 2005. godine  
Sarajevo

Predsjednik Komisije za  
priznanja  
Općine Stari Grad Sarajevo  
dr.sc. **Rizah Avdić**, s. r.

Na osnovu člana 9. i 29. Zakona o lokalnoj samoupravi - prečišćeni tekst ("Službene novine Kantona Sarajevo", broj 22/00) i člana 10. i 25. Statuta Općine Stari Grad Sarajevo ("Službene novine Kantona Sarajevo" broj 10/98, 17/99 i 21/04), Općinsko vijeće Stari Grad Sarajevo, na sjednici održanoj 25. aprila 2005. godine, donijelo je

**PRAVILNIK  
O DODJELI STIPENDIJA**

Član 1.

Ovim Pravilnikom utvrđuju se kriteriji za dodjelu stipendija djeci šehidskih, odnosno porodica palih boraca, ratnih vojnih invalida i demobilisanih boraca.

Pravilnikom se utvrđuju osnove, načini i kriteriji stipendiranja učenika srednjih škola i studenata koji imaju prebivalište i boravište na području općine Stari Grad, a koji ne koriste stipendiju po drugom osnovu.

Član 2.

Pravo učešća na konkursu za stipendiranje imaju učenici srednjih škola i studenti koji su u prethodnoj školskoj godini bili redovno upisani u školu, odnosno na fakultet.

Član 3.

Općinski načelnik donosi odluku o sprovođenju konkursa za tekuću školsku godinu.

Isplata stipendija vršit će se po okončanju konkursa a precizirat će se ugovorom o stipendiranju.

Član 4.

Odluku o stipendiranju provodi općinski načelnik putem Službe za boračka pitanja, zdravstvo i socijalnu zaštitu.

**SREDSTVA**

Član 5.

Godišnjim planom stipendiranja studenata i učenika svake godine u Budžetu Općine planiraju se sredstva za stipendiranje, koja se procentualno dodjeljuju za:

- redovno školovanje studenata na visokoškolskim ustanovama . . . . . 60%
- redovno školovanje učenika u srednjem obrazovanju . . . . . 40%

Stipendije za studente i učenike se dodjeljuju proporcionalno po godinama studija, odnosno po razredima. U slučaju da ima manje prijavljenih na nekoj godini, stipendije se dijele proporcionalno na više godine studija, odnosno na više razrede. Prioritet u podjeli su više godine.

**IZBOR KANDIDATA**

Član 6.

Izbor kandidata za stipendiranje vrši se na osnovu prijave na konkurs.

Konkurs sadrži:

- uslove koje kandidati moraju ispunjavati
- broj kandidata koji se stipendiraju
- rok za podnošenje prijava
- način prigovora po rezultatima konkursa i druge podatke

Konkurs se objavljuje u dnevnim novinama i na oglasnoj ploči Općine.

Član 7.

Općinski načelnik provodi konkurs.

Općinski načelnik formira komisiju za provođenje konkursa i komisiju za rad po prigovorima na rad komisije za provođenje konkursa.

Svaki prijavljeni kandidat po konkursu mora biti pismeno obaviješten o rezultatima konkursa, u roku od 15 dana po izvršenom izboru kandidata.

Svaki učesnik na konkursu može, u roku 8 dana od prijema obavještenja, podnijeti prigovor općinskom načelniku.

Član 8.

Po okončanju konkursa općinski načelnik dostavlja Općinskom vijeću prijedlog odluke.

Općinsko vijeće donosi konačnu odluku o stipendiranju.

Član 9.

Općinski načelnik sa izabranim kandidatima sklapa ugovor o stipendiranju, koji sadrži:

- ime i prezime učenika - studenta
- ime i prezime roditelja - staratelja
- tačnu adresu stanovanja
- naziv škole - visokoškolske ustanove
- način isplate
- rokove i drugo.

Ugovor potpisuje roditelj - staratelj učenika, odnosno student, s jedne strane, i načelnik Općine, s druge strane.

Član 10.

Stipendije se dodjeljuju za jednu školsku - nastavnu godinu i isplaćivat će se za 10 mjeseci (trajanje školske-nastavne godine), što će se precizirati ugovorom.

Član 11.

Visina mjesečne stipendije za učenike i studente iznosi:

- u srednjim školama . . . . . 100,00 KM
- u visokoškolskim ustanovama. . . . . 100,00 KM

Broj studenata se utvrđuje svake godine zavisno od visine odobrenih sredstava u Budžetu Općine za tu namjenu.

Član 12.

Stipendije se ne dodjeljuju kandidatima:

- koji se već stipendiraju iz drugih izvora
- za dva i više učenika - studenata iz iste porodice

**KRITERIJI ZA DODJELU STIPENDIJA**

Član 13.

1. Bodovi po osnovu rezultata u učenju
  - za učenike, prosječna ocjena u prethodnoj školskoj godini, zaokružena na dvije decimale i pomnožena sa 15 . . . . . (4,00 x 15 = 60,00 bodova)
  - za učenike I razreda srednje škole prosječna ocjena u osmom razredu osnovne škole, zaokružena na dvije decimale i pomnožena sa deset (4,00 x 10 = 40,00 bodova)